

Diabierna awor tin cas habri pa publico:

PRENSA A CERA CONOCI CU INSTALACION NOBO DI "SCHOOL SCUCHA NOS"


ORANJESTAD (AAN) -- Diabierna awor, pueblo di Aruba por cera conoci cu e parti nobo di School Scucha Nos, a traves di un dia habri unda lo expone trabaoonan realiza pa e alumnonan. Sr. Wim Willems, director, a splica esaki den conferencia di prensa, diamars.

Willems a duna di conoce cu e trailernan cu tin awor tabata worde usa pa F.C.C.A., pero despues di a renova e edificio nan a haci donacion di e trailernan na School Scucha Nos. E compania Deenam a encarga cu transportacion y ponemento di e trailernan, mientras cu Muebleria Texas

a duna un descuento considerable riba e tapijt cu a pone riba vloer den e instalacionnan.

Pa varios aña caba tabata tin mester di luga y awor tin hasta un cafeteria pa e maestronan. E material didactico pa traha e señanan ta modelonan di diferente parti di mundo, esta, Hulanda, Merca, y algun pais di America Latina y Caribe.

Wim Willems a splica cu e lenguaje di seña no ta uno so, manera tin hende ta kere. Hulanda so, tin 5 diferente manera di expresa un palabra via señanan. Sinembargo, "School Scucha Nos" ta trahando riba un proyecto pa unifica e lenguaje. Te awor Aruba ta e unico pais cu ta duna señanan specifico, unda cu "School Scucha Nos" ta elaborando material di un lenguaje definitivo na Papiamentu, adapta cu gramatica. Tambe a elabora riba loke hopi tata di famia a puntra pe, y esaki ta duna seña pa aduhtonan (mayornan e.o) cu kier seña e lenguaje, pero mester cera prome e sistema basico na Papiamentu, pa despues por duna curso pa publico (mayor, maestro, particular). Den esaki un di e metanan ta pa school ofrece un medio di comunicacion pa e alumnonan pa despues nan por integra na school normal, y e idea ta pa un of mas docente seña e lenguaje y asina por traduci e lesnan na e alumnonan cu problema di oido.



UN TIKI HISTORIA

DIARIO ta haya ta bon pa menciona un tiki historia di School Scucha Nos, cual a cuminsa na 1980 despues cu den añanan 70 Aruba a conoce un epidemia di Rubeola cu a afecta varios señora na estado y como consecuencia algun mucha a nace sordo of cu problemanan di oido.

E school a worde lanta na Emmaschool y despues a funda e Fundacion FEPO pa setup e school, cu a keda te final di añanan 80, y despues nan a cere debi cu e alumnonan a bira grandi y nan a percura pa nan bay enseñanza avanza pa cual a traha un curso special, na San Nicolas. Apenas un par di mucha chiquito cu problema di oido a resta e tempo ey, cu no tabata bal la pena mas pa wanta e school y esaki a bira un parti di Emmaschool pero pa mucha sordo.

Asina e situacion a keda te cu aña cu a bolbe habri School

Scucha Nos, cu a cuminsa cu un cantidad di 12 mucha en total.

E comision di mayor a traha duro hunto cu Fundacion FEPO pa lanta e school atrobe. Awor despues di 2 aña y mey cu 17 alumno e ta activo bek, y for di inicio a cuminsa cu e parti di guiamiento na schoolnan regular.

Esaki ta un programa cu ta abarca alumnonan di peuter, kleuterschool, school basico y avanza. Sr. Willems ta indica cu si por haya e muchanan for di mas tempran e guia ta cuminsa for di cas caba.

Hunto den e parti di guiamiento tin como 120 muchanan di entre 2 aña y mei te 17 aña parti den e diferente schoolnan preparatorio, basico, y avanza rond Aruba, esta MAVO, EPB, MTS y Colegio.

E guia aki ta worde duna pa e grupo di cinco expertonan yama "Ambulante Begeleidster".

Awor e school ta conta cu un Psicologo cu ta desplegando un tremendo trabao.

Ta falta ainda un Orthopedagogo y tin indicacion cu esaki ta den conversacion cu Hulanda, pa haya un profesional den e rama aki.

MATERIAL

Free Zone Aruba N.V hunto cu Departamento di Estadistica y Club Kiwanis a elabora project dossier pa adkiri e asina yama "Klass Apparatuur" cu ta un sistema di wireless, indispensable den dunamento di les pa mucha cu problema di oido, pero ainda no por a yega na e suma di 100 mil florin cu e aparatonan aki ta costa, sr. Willems a expresa den conferencia di prensa. Otro meta grandi ta adkisi-cion di computer, ya cu nan ta purba traha na un forma hopi visual. E unico computer cu tabata tin a cay den man di vandalismo.

TA HUUR

Un apartamento full muebla y cu aircondition na Seroe Biento 53B banda di caminda grandi di Caya Betico Croes. Pa mas informacion llama nos na tel: 858233 of 859500




OFFERTA SPECIAL

..VALIDO TE DIAVIERNE AWOR

UN MICRON PA SOLAMENTE Afls. 3999
MICRON PII 233, 32MB, 4GB, ZIP, 32XCDROM, AGP 4MB,
15" MONITOR, 56K FAXMODEM INTERNET READY

Millennia XKU - Home



PASA BUSCA UN NA:

REINA AGENCIES N.V.
Fergusonstraat 74, Dakota,
Tel: 839633 Fax: 834357

Rondweg #1

DRIVE
motors n.v.

Tel: 837100

Quality pre - owned cars

1988 CAVALIER/CONV	AT/AC/RADIO PP	AFL. 13,500.=
1990 LE BARON	AT/AC/RADIO PP	AFL. 18,500.=
1991 EXPLORER	AT/AC/RADIO PP	AFL. 25,000.=
1995 NEON	AT/AC/RADIO	AFL. 18,000.=
1996 GRAN CHERCKEE LIMITED	AT/AC/RADIO PP	AFL. 70,000.=
1994 NISSAN SUPER SALOON	LEATHER INTERIOR	
	STD/AC/RADIO/CASSETTE PP	AFL. 16,500.=